



IZVJEŠTAJ O RADU

ZA 2012. GODINU

SADRŽAJ:

1. Interna organizacija.....	3
2. Jačanje kapaciteta.....	5
3. Strategija za mlade.....	7
4. Razvoj Centara za mlade.....	8
5. Ulične akcije i projekti.....	9
6. Saradnja sa drugim udruženjima.....	10
7. Saradnja sa Općinom.....	11

INTERNA ORGANIZACIJA

Završen proces registracije

Usklađena je dokumentacija Vijeća mladih Stari Grad sa Zakonom o udruženjima i fondacijama FBiH. Zatim je dobijena jednoglasna podrška Općinskog vijeća Odluci o davanju saglasnosti Vijeću mladih za korištenje naziva Općine u svom nazivu. Načelnik je podržao formiranje Vijeća mladih sa finansiranjem troškova registracije.

Nakon upisa u registar udruženja, okončana je i izrada pečata, dobivanje šifre djelatnosti, registracije u Poreznoj upravi, te otvaranja bankovnog računa Vijeća mladih.

Definisane procedure i način rada

Usvojeni Poslovnici o radu Upravnog i Nadzornog odbora.

Usvojena 3 pravilnika:

- Pravilnik o formiranju odjela i radnih grupa
- Pravilnik o izradi projektnih prijedloga
- Pravilnik o pristupanju udruženja Vijeću mladih

Kontinuiran rad Upravnog odbora

Upravni odbor je održao 9 sjednica na kojima su usvojene sljedeće odluke:

- Odluka o izgledu i korištenju logotipa
- Odluka o formiranju Odjela za kulturu i sport
- Odluka o formiranju Odjela za odnose s javnošću
- Odluka o formiranju radne grupe za izradu liste donatora
- Odluka o imenovanju šefova Odjela za kulturu i sport i Odjela za odnose s javnošću
- Odluka o davanju saglasnosti za realizaciju projekata „Mladi za Stari Grad“ i „Ispitivanje podrške mladima na Lokalnim izborima 2012.“

- Odluka o Deklaraciji o unapređenju položaja mladih u Općini 2012. – 2016.
- Odluka o radu projektnih timova
- Odluka o imenovanju projektnih timova
- Odluka o izmjenama i dopunama Odluke o imenovanju projektnih timova
- Odluka o formiranju Radne grupe za izradu plana aktivnosti u Domu kulture Vratnik
- Odluka o formiranju Radne grupe za izradu Strateškog plana
- Odluka o formiranju Radne grupe za izradu Plana rada u 2013.
- Odluka o imenovanju koordinatora za nadzor nad radom projektnih timova
- Odluka o razrješenju šefova Odjela za kulturu i sport i Odjela za odnose s javnošću
- Odluka o imenovanju koordinatora za rad sa domovima kulture

Također, Upravni odbor je razmatrao i usvojio veliki broj izvještaja, zaključaka i mišljenja, što je dokumentovano zapisnicima sa sjednica.

Svaka sjednica je protekla u prijateljskoj atmosferi, te su rijetke odluke koje nisu usvojene jednoglasno.

Imenovanje novih članova Upravnog odbora

Kako bi se olakšao rad Upravnog odbora, predloženo je razrješenje tri člana, te imenovanje tri nova člana, što je i podržala Skupština Vijeća mladih. Do tada, Upravni odbor je imao problema sa kvorumom zbog neredovnog dolaska članova, odlaska članova Upravnog odbora na studij izvan BiH i drugih poteškoća u radu. Od izmjena u Upravnom odboru, tempo rada Upravnog odbora i realizacije aktivnosti je utrostručen.

JAČANJE KAPACITETA

Izrađen Strateški plan 2013. – 2017.

Radna grupa koju su činili članovi Upravnog odbora, te nekolicina saradnika, je izradila najvažniji dokument Vijeća mladih Stari Grad, poslije Statuta. U Strateškom planu su definisani vizija, misija i vrijednosti kojim će se voditi Vijeće mladih. Određena su četiri strateška pravca djelovanja, te su definisani ciljevi za svaki od tih pravaca.

Osigurana finansijska sredstva za rad

Upravni odbor je snažnim lobiranjem uspio obezbijediti finansijsku podršku Općine u 2013. Godini Vijeću mladih za finansiranje tekućih troškova. Budžetom Općine za 2013. godinu je planiran Grant Vijeću u iznosu od 5.000,00 KM.

Otvaranje kancelarije Vijeća mladih

Upravni odbor je odlučan da obezbijedi kancelariju za svoj rad. U tom pravcu, pokrenute su određene inicijative prema Načelniku, Domovima kulture i drugim udruženjima. Upravni odbor planira da u 2013. godini okonča ovaj proces i otvori kancelariju Vijeća mladih.

Izrađen plan rada za 2012. godinu

Upravni odbor je izradio interni plan rada koji se oslanjao na prvobitne ideje članova Upravnog odbora o tome šta treba raditi Vijeće mladih.

Plan rada je više puta revidiran, izmijenjen, te je suštinski i implementiran.

Formirani Odjel za kulturu i sport i Odjel za odnose s javnošću

Formirana su ova dva odjela sa ciljem uključivanja većeg broja aktivista udruženja članica Vijeća mladih u rad Vijeća. Zadatkom prvog je podrška kulturnim i sportskim dešavanjima u Starom Gradu, a drugog promocija rada Vijeća mladih.

Proveden je Konkursom u skladu sa pravilnikom, te su imenovani šefovi ovih odjela: Tarik Trbić i Dijana Čopelj, koji su nakon nekoliko mjeseci rada podnijeli ostavke. Odjeli imaju oko 20 aktivista, te se čeka imenovanje novih rukovodioca za aktivniji angažman ovih Odjela.

Učešće na edukacijama

Vijeće mladih je poslalo svoje predstavnike na nekoliko seminara. Seminari su bili uglavnom u organizaciji Općine: seminar o evropskih fondovima, o Javnom pozivu za dodjelu sredstava, te o Strategiji razvoja.

Pored toga, Vijeće mladih je učestvovalo u obuci Instituta za razvoj mladih KULT koja je imala za cilj jačanje kapaciteta Vijeća mladih. Obuka je održana u Banja Luci i Sarajevu, te je trajala 12 dana. Predstavnik Vijeća mladih je imao priliku da se susretne sa predstavnicima više od 20 Vijeća mladih iz BiH, te da razmijeni ideje i osmisli zajedničke inicijative.

STRATEGIJA ZA MLADE

Rad na implementaciji Strategije za mlade

Upravni odbor se opredijelio da Strategija za mlade bude jedan od glavnih fokusa rada Vijeća mladih. U tu svrhu je izvršio evaluaciju Strategiju za mlade, te odabrao projekte za koje smatra da Vijeće mladih i udruženje članice imaju kapaciteta da ih provedu. To su 22 projekta.

Formirana su 22 projektna tima čiji su članovi aktivisti udruženja članica. Ukupno je približno 40 osoba učestvovalo u radu projektnih timova. Zadatak projektnih timova je bio izraditi projektni prijedlog za projekat iz Strategije za mlade. U tu svrhu je izrađen i Pravilnik o izradi projektnih prijedloga koji propisuje unificiran izgled tih projektnih prijedloga. Imenovani su i koordinatori za omladinske politike, koji su članovi Upravnog odbora koji su bili zaduženi da vrše nadzor nad radom projektnih timova.

Nažalost nešto manje od 50% projektnih prijedloga je izrađeno. Glavni razlozi za neuspjeh 13 projektnih timova je loša međusobna komunikacija, neodgovornost članova projektnih timova, te neodgovornost i loša koordinacija koordinatora za oblast obrazovanja i koordinatora za oblast socijalne politike i zdravstva.

Vijeće mladih će sa izrađenim projektnim prijedlozima aplicirati na Javni poziv Općine, te na druge Javne pozive, te će lobirati u udruženjima članicama, da i oni apliciraju sa tim projektima budući da ti projekti donose direktnu korist mladima u Starom Gradu.

RAZVOJ CENTARA ZA MLADE

Izrađeno Istraživanje o ispunjenosti standarda omladinskog centra u Domovima kulture

Udruženje „Perpetuum mobile“ iz Banja Luke je izradilo Priručnik o radu omladinskih centara koji govori o standardima u najboljim omladinskim centrima u bh. i evropskoj praksi. Priručnik obuhvata programske, tehničke, kadrovske i etičke standarde.

Koordinatorica za rad sa Domovima kulture pri Vijeću mladih, Saša Jovljević i Predsjednik Vijeća mladih, Ajdin Kahrović, su izradili metodologiju ocjenjivanja nivoa ispunjenosti tih standarda u Domovima kulture u Starom Gradu.

Gđica Jovljević je sprovela opsežno Istraživanje u skladu sa tom metodologijom (dokument sadrži 40 strana) u sljedećim Domovima kulture: Jelićeva, Logavina, Medrese, Vratnik i Širokača.

U narednom periodu će, na osnovu tog Istraživanja, biti izrađena Strategija transformacije DomoVa kulture u Centre za mlade, koja će biti, zajedno sa istraživanjem prezentirana Općini, te će Vijeće mladih predložiti Općini saradnju na realizaciji ovog projekta.

ULIČNE AKCIJE I PROJEKTI

Suorganizacija ulične akcije „Čujemo l' se?“

Vijeće mladih Stari Grad je bilo partner u organizaciji ulične akcije „Čujemo l' se?“ čiji je inicijator i glavni organizator bio Institut za razvoj mladih KULT. Ulična akcija se održala povodom Međunarodnog dana mladih, te su učesnici šetnjom i performansom skrenuli pažnju javnosti na probleme mladih.

Najveći dio učesnika ove akcije su bili aktivisti koji djeluju u okviru Vijeća mladih.

Realizovan projekat „Istraživanje podrške mladima na Lokalnim izborima 2012.“

Udruženje za promociju omladinskog aktivizma POMAK je ponudilo da svoj projekat prenese na Vijeće mladih, što je Upravni odbor i prihvatio. U sklopu ovog istraživanja, anketirani su građani Starog Grada o tome da li će dati podršku mlađim ili starijim kandidatima.

Istraživanje je urađeno na 700 osoba, od koji je 71% se opredijelio da će podržati mlade na Lokalnim izborima. Trenutno, približno 40% vijećnika spada u kategoriju mladih što je velika prilika za mlade i Vijeće mladih.

SARADNJA SA DRUGIM UDRUŽENJIMA

Pokrenut proces formiranja Vijeća mladih Kantona Sarajevo

Održano je nekoliko sastanaka predsjednika formiranih Vijeća mladih u KS, te se dogovoreni zajednički nastupi pred institucijama višeg nivoa, definisani zajednički ciljevi i prioritete. Također, započeti su razgovori o strukturi Vijeća mladih Kantona Sarajevo.

Dogovoreno je održavanje Osnivačke skupštine Vijeća mladih KS u februaru 2013. Dužina procesa formiranja Vijeća mladih KS je uslovljena sa dužinom procesa registracije drugih Vijeća mladih.

Također je održan sastanak sa predstavnicima Vlade KS, gdje su razmijenjena međusobna očekivanja, te gdje su Vijeća mladih u KS dobila podršku vladinih službenika.

Obavljena procedura prijema u članstvo Udruženja „Progressum“

Upravni odbor Vijeća mladih je u skladu sa Pravilnikom, zahtjevao cjelokupnu potrebnu dokumentaciju od ovog Udruženja, izvršio potrebne provjere o ispunjenosti uslova za prijem, te obavio razgovore sa predstavnicima Udruženja, dogovarajući proces uključenja, adaptacije i rada.

SARADNJA SA OPĆINOM

Uspostavljena čvrsta saradnja sa Načelnikom i administracijom

Vijeće mladih je imalo nekoliko razgovara sa Načelnikom, na kojim su razmijenjena međusobna očekivanja.

Vijeće mladih jako dobro saraduje sa Sektorom za lokalni razvoj, Sektorom za obrazovanje, kulturu i sport, te saradnicom za pitanja mladih.

Očestvovalo je na nekoliko sastanaka i seminara kao jedan od predstavnika nevladinog sektora.

Ono što posebno govori o nivou ozbiljnosti sa kojim su prihvaćeni mladi i Vijeće mladih jeste poziv Općine Vijeću mladih da učestvuje u izradi petogodišnje Strategije razvoja Općine, što je Vijeće mladih prihvatilo, te iznijelo niz konstruktivnih prijedloga koji će biti uvršteni u Strategiju.

Vijeće mladih ima pravo koristiti sve općinske sale, u skladu sa svojim potrebama.

Potpisana Deklaracija o unapređenju položaja mladih u Općini u periodu 2012. – 2016.

Vijeće mladih je izradilo deklaraciju koja obuhvata 20 zahtjeva mladih od općinskih vlasti u periodu 2012. – 2016. Zahtjevi se tiču obaveza Općine koje propisuje Zakon o mladima FBiH, te zahtjeva koji su izrazili mladi ljudi u procesu izrade Deklaracije.

Za potrebe izrade Deklaracije, urađena je analiza Zakona o mladima FBiH, budžeta Općine Stari Grad, budžeta općina koje imaju uspješan rad na izradi i implementaciji omladinskih politika, zatim je urađena ulična akcija anketiranja mladih Starog Grada, te je prevedeno nekoliko rasprava među srednjoškolcima.

Političkim subjektima koji su istakli kandidate za Načelnika i/ili Općinsko vijeće je ponuđeno da potpišu Deklaraciju pred Lokalne izbore 2012. Deklaraciju su potpisali Socijaldemokratska partija BiH, Savez za bolju budućnost BiH i Stranka za BiH. Ostalih 14 političkih subjekata se nije odazvalo pozivu Vijeća mladih.

Potpisivanje Deklaracije je bilo medijski popraćeno, te je Predsjednik Vijeća mladih imao nekoliko gostovanja u TV emisijama kako bi govorio o ovoj temi.

Potpisnici Deklaracije koji su između ostalog, i zbog ove Deklaracije izborni pobjednici u Općini, su ozbiljno shvatili ovu Deklaraciju, te je već određenom broju zahtjeva udovoljeno. Ova Deklaracija je postala strateški dokument saradnje Vijeća mladih i Općine u naredne četiri godine.

Potpisan Sporazum o saradnji sa Općinom

Vijeće mladih je potpisalo Sporazum o saradnji sa Općinom u kojem su definisane obaveze Vijeća mladih i Općine. Ovaj Sporazum će omogućiti Vijeću mladih da se javlja na javne pozive Općine.